



Շուշանիկ Կուրդիւնյան

Յարի աչերը

Լուռ աստղերը, վառ աստղերը
Ես շա՛տ սաստիկ եմ սիրում,
Իմ դարդերը, սև դարդերը
Նրանց հաճախ եմ պատմում:

Լուռ աստղերը, պարզ աստղերը
Սփռվում են ցավերս,
Նոցա քաղցր ժպիտները
Քուն են բերում աչերս:

Բայց քո սևիկ աչերը,
Իմ երկնքի աստղերը—
Կյանքս մաշեց, սիրտս գերեց,
Շատացուց իմ դարդերը:

Գիշեր ցերեկ տանջվում եմ,
Անճար եմ իմ վերքերը .
Ինձի հալում, մաշում եմ՝
Յա՛ր, քո սևիկ աչերը:

1896